

330.35
5
部=

嘉靖仁化縣志

全

天一閣藏明代方志選刊

仁化縣志

脩誌氏族

教諭

胡居安

訓導

張守一

陳汝昌

藥膳生員

葉鸞

譚贍

葉惟松

增廣生員

譚邦臣

葉馨霄

劉沛然

附學生員

劉應時

藍夢潮

昔龍飛嘉靖丁巳孟春之吉重脩

卷之一

建置 星野附 疆域 山川 形勝 城池 井泉



陂塘浦圳 坊都 舖舍 津梁 關隘

卷之二

田糧 課程 戶口 徭役 軍屯

土產 風俗 氣候 災祥

卷之三

歷官 公署 學校 名宦 仰賢

壇壝 教場 貢賦 兵制 坊表

墳墓

卷之四

進士 特奏 鄉舉 歲貢 例貢

吏選 恩錫 薦辟 孝友 文學

善人 義勇 古蹟 寺觀 祠廟

僊釋 祥異

卷之五

藝文

仁化縣志卷之一

建置 星野附



仁化鄉也舊屬曲江禹貢揚州南境天文為牛女之分星紀之次秦平南粵典以仕置村置死趙佗繼之秦滅佗據南粵自築城仁化以壯橫浦漢元鼎陸年平粵以曲江屬桂陽郡隸荊州

三國屬吳黃武五年以曲江屬廣州其露元年分桂陽南海郡地置始興郡晉大康中平吳遂以始興郡屬廣州仍統曲江永嘉元年分始興桂陽南海等九郡置湘州咸和三年復以始興郡屬荊州齊復以始興隸廣州曲江因之隋開皇九年省諸郡於始興郡置廣州唐高祖武德肆年分廣州之曲江始興樂昌翁源置韶州唐垂拱肆年始以仁化先宅清化連陽肆鄉置仁化縣隸韶州宋開寶伍年省入樂昌縣咸平叁年復置爲仁化縣治於先宅鄉元末寇毀

國朝改韶州路爲府仁化仍屬焉

疆域

東西廣一百六十里南北袤一百三十五里

東抵保昌縣界五十里

西抵樂昌縣界六十里

南抵曲江縣界一十五里

北抵桂陽縣界一百二十里

東南抵曲江縣界一十里

西南抵曲江縣界七十里

東北抵大庾縣界一百二十里

西北抵宜章縣界一百七十里

自縣治達府城陸路八十里水路一百二十里

山川

康石山在縣北二十里勢連柳陽吳竹嶺來元志云縛中有鎗

竿俗傳黃巢過此所投至今不朽山頂有石井泉清不竭

龍山在縣治北一里脉接黃嶺形如盤龍故名龍山

駱駝山在縣治東一里下臨深潭盤繞縣治

涼傘山在縣治南十里形如涼傘與錦石巖對峙

筆架山在縣東五十里三峯寺立如筆架

白星山在縣西南五十里脉接大庾嶺舊志經云唐武德中有

星墜山頂光如曳練

吳竹嶺在縣西北六十里勢在桂陽來與黃嶺大山對峙舊志

云越王勾踐滅吳王其子孫避難于此山下有溪亦

名吳溪

五臺山在縣西三十里高五十餘丈週廣十里止有一巖深

闊四丈許巖前有仙人跡

雲臺山在縣東北八十五里

黃嶺在縣西六十里縣治之山祖與吳竹嶺青嶺對峙巖抵

界樂昌桂陽

澗溪山在縣西四十里

長江嶺在縣北七十里

青嶺在縣西北五十餘里勢連吳竹嶺來與黃嶺對峙山下即

吳溪水

馬鬃髮嶺在縣北一百二十里高三百餘仞

紫嶺在縣東北五十里挺然獨聳二水合流四山環抱

思溪嶺在縣北七十里高聳地接桂陽前有蓮花嶺左有羅帶

水環流右有文筆峰峙立

楓坑崗在縣南三十里上多楓樹舊有登禪院

七運運在縣西七十里運長七里抵界樂昌縣

赤石運在縣西北三十里路通桂陽界

拓石在縣西三十里高三丈許週圍百步上多極木

毛軍石在縣西南二十餘里高五丈餘週圍十五里平地突起

簇簇如林高低異勢故名毛軍又名石林

渣峽石在縣西南六十里二石對峙渣水經其間故名石上有

巨人跡

觀音石在縣西南四十里高六十餘丈週圍伍里如觀音跌坐

之象其下澄江環繞舟行上下見之

禪龕石在縣南拾里高五十餘丈週圍十里半壁有石室深或

丈闊參大舊時有漁人於江上遙見一僧安坐人皆異

之後數日莫知所之石座尚存

紗帽石在縣北六十里河中一石獨傑形如紗帽

馬鞍石在縣北陸拾里河中一石出形如馬鞍

三門石在縣北陸拾里河中一石橫過三門通舟上下

書堂巖在縣南拾里壁立千仞巖實隱見有木橫縮狀如書架

舊傳余家公嘗讀書於此都御史朱英有詩

雙門石在縣西貳拾伍里平地突起卷石間分雙門

獅子巖在縣西南貳拾里與錦巖相對形如獅子上有參巖下

有石庵山頂芝蘭芬郁石磴可攀亦仁陽勝境也巖前

田租肆拾石今入本縣儒學知縣嚴時中爲之記刻

石于戟門之右

青雲峯在縣北七十里高聳凌雲四山環拱

龜頭石在縣南貳里山側一石突出形如靈龜下臨瀨水

錦石巖在縣南拾柒里巖下爲錦石溪巖有四中大巖深闊

丈四一巖深闊伍丈東一巖深闊肆丈又東一巖深闊

貳丈餘其徑彎環直上千餘級夾道松杉高凌霄漢石

壁石五色間生鋪錦綺多如梅花之形四時變態

自唐宋暨五代時僧伽憇此並無崇構相傳南宋政

和間有僧法雲見茲山奇恠嘆曰半生在夢裏過了

今日如覺清虛迥聚衆建庵而錦巖之名指著進士曲

江卸嘉猷記又有淳熙中蒙天民求雨應驗記成化卷

年曲江朱道祚砌石欄成化陸年鄉民劉以寬砌石欄

教諭馮浩記成化拾陸年住持僧淨壽募緣重建知

府王賓記嘉靖拾玖年知府符錫達集仙亭於巖下建
聽宇參間於巖前扁曰紫府清都仁陽一方之勝境也
登覽者多晉題附錄于後

會湏水在縣西壹里源出縣治後石竅中水清且耳南流與縣

南水合

潼陽水在縣西叁拾餘里源出黃嶺及青嶺下並縣西水源也

南流伍拾里與縣東南大河潼口水合

吳溪水在縣西北伍拾里源出吳竹嶺經唐村東南流壹百里

與縣東大河水合世傳越王勾踐滅吳子孫有避難于

此者故名

康溪水在縣東北陸里源出扶溪嶺西流與縣南水合

恩溪水在縣北捌拾里發源桂陽縣九龍江相傳吳王子孫避

地經此溪失路逢一老嫗導之而去乃以金帛報其

恩故曰恩溪西流伍拾里經恩村南流叁拾餘里與縣

南水合

扶溪水在縣東北伍拾里源出南碓府珠子山東流捌拾里與

縣南水合

合溪水在縣北伍拾里源出康溪嶺下北流伍拾里與縣南水合

桃溪水在縣西北貳拾伍里源出桃源洞經赤石逕口南流肆

拾里與縣南潼口水合

長江水在縣東北捌拾里源出南安府界用流捌拾里與縣南

水合

消龍潭在縣東捌拾里其深不測遇旱禱之即應

魚龍潭在縣東北貳拾里

楊公潭在縣西北肆拾里源出吳溪水崖上石山高大如獅子

水底石岩其深無極

白瀑潭在縣東北貳拾伍里

高埠灘在魚龍潭北拾里灘石高險

狗牙灘在縣西南壹里

大溪潭在縣南伍拾里衆水歸流係縣治之水口其崖上有

潼江廟

形勝

北接柳陽淑氣由康石龍山而下東襟度嶺懿風萃鹿江錦石

之間西接昌山南連韶石偉然嶺南之奇觀也

城池

仁化舊城唐捶拱所築在今縣北拾里走馬坪宋開寶間酋人

樂昌而城廢咸平叁年復置縣於今所未有城成化肆年通

判蔡周始築土城高壹丈有濠成化拾壹年知縣李淮清砌肆

石門成化拾陸年知府王賓知縣翁同脩砌以磚石創門樓肆

座串樓貳百捌拾間周圍貳百捌拾丈知府王賓記成化拾捌

年知縣張同以石砌城東額岸陸拾丈成化貳拾叁年知縣立
墩以磚砌南城脚陸拾丈并濬城濠正德拾年知縣李亨重修
北門外子城濠西南北計貳百捌拾伍丈闊貳丈東臨河無濠
嘉靖叁拾陸年推官黃勇脩理城樓吊樓煥然一新

井泉

學東古井一在仰賢祠前

縣治東古井一

會湏泉在縣西半里其味清甘

丁香泉在縣東南一里石竅中湧出溪漲則泛溪涸則見其水

味如丁香相傳可以釀酒療病

溫泉在縣北捌拾里有三穴四時沸湧泉氣上蒸道通柳陽往

來人多浴于此温如春陽

白石嶺泉在縣東北肆拾里

枏下泉在縣東北叁拾伍里白石嶺下

獅子泉在縣西南貳拾里獅子岩上

石坑泉在縣西貳拾伍里

井頭泉在縣北柒拾里

上寨運泉在縣北捌拾里

會水泉在縣東北伍拾里

沙壠泉在縣東肆拾伍里

小胡泉在縣東北捌拾伍里

東田泉在縣東伍里

鷄渠泉在縣西陸拾里

渠裏泉在縣東貳拾里

廟前泉在縣北東拾里

陂塘溝圳

桑石陂

蓮塘

董塘陂

厚坑圳

節陂 白星陂 以上在石塘都 橫陂 在扶溪都 廬陂 潘陂

泗背陂 以上在永樂都

縣治

唐垂拱間建于仁化鄉有土城週參里宋開寶中縣廢而治亦廢咸平肆年復置於光宅鄉今之治所是也元末燬于寇洪武叁年知縣何初重建永樂肆年知縣宋中重脩廳房天順任年知縣羅俊重建正廳叁間泊水叁間典史廳壹間左右吏房捌間儀門叁間土地祠壹間鼓樓壹座成化拾捌年知縣張同重建後堂叁間左右耳房貳間官吏住舍貳拾壹間又於廳西建創山堂壹間開蓮池壹口今廢

正堂堂間 後堂堂間 東廳堂間前涼亭堂所

幕廳堂間在正廳左 戒石亭堂座

六房東西 耳房庫在正堂西後 土地祠堂間在縣治東

監房詳間在儀門內右

儀門參閱嘉靖貳拾叁年知縣陸儀重修

譙樓堂座嘉靖貳年知縣陳豫章重建

知縣衙堂座兩廡共捌間在正堂後

主簿衙前參閱後參閱在儀門右嘉靖叁拾伍年主簿陳鳳儀創巡捕廳參閱墻院大厦于本衙後西

典史衙前參閱後參閱在儀門左 吏舍東伍間西伍間

旌善亭堂座在縣治西嘉靖貳拾叁年知縣夏汝礪創建

申明亭堂間在縣治東嘉靖叁年知縣于祥創

陰陽學堂間在嶺南道西

醫學堂間在陰陽學西弘治元年知縣立敬建

秤番倉在縣治東

預備倉在秤番倉西

出納廳堂所在秤番預備貳倉中

僧會司在金鳳寺

冷舖堂間在嶺南道東今改為惠民藥局

養濟院在縣城北外

桑棗園貳所堂所在縣水東半里今額地改止尚存壹所在扶溪棗嶺東北半里墻圍俱廢故址俟存

扶溪巡檢司 在紫嶺下去縣伍拾里接江西界洪武柒年間設

恩村巡檢司 在城口去縣捌拾里接湖廣界洪武柒年間設

望江樓 在縣南城水濱嘉靖拾年知縣陳豫章建貳拾伍年知縣嚴時中重修芻其角曰觀瀾

庫樓 在縣治東北嘉靖叁拾貳年創立

坊都

元志叁鄉 拾伍里

國朝 陸里

縣街都 附郭 石塘都 去縣西肆拾里 平山都 去縣西叁拾里

扶溪都 去縣北柒拾里 康溪都 去縣北柒拾里

永興都 去縣西南伍拾里知縣張同增

舖舍

縣前舖 在縣西城外東抵官濠西抵西隅社學南抵官街北抵民居今市民李明鑑稅到句東近濠一帶空地創起舖

捌間逾年內稅歸官

石母舖 在縣南拾里

津梁

水東渡 在縣治東

水南渡 在縣治南

連石渡 在縣北貳拾里

新村渡 在縣西拾伍里

會須橋 在縣西城外正德拾年脩

龍坑橋

在縣北一里嘉靖拾柒年永興都民劉世春建

下園橋

在縣西拾伍里成化間平山都民譚孝淳等建

百甲橋

在縣西拾柒里正德間平山都民譚全用等修

飯橋

在縣西拾玖里成化間平山都民譚孝淳等建
重修

烏石橋

在縣西貳拾里成化間平山都民李繁譚世用等建
重修

上門橋

在縣北柒拾里正德間康溪都民蒙景澄建

下寨橋

在縣北柒拾里正德間康溪都民蒙渠建

拱頭橋

在縣北柒拾里正德間康溪都民蒙景澄建

渡洛橋

在縣南伍里嘉靖拾捌年康溪都民朱源等建

石母橋

在縣南拾里

塘邊橋

在縣南伍里嘉靖拾柒年永興都民陳文德建

獅子潭橋

在縣北拾里嘉靖貳拾貳年康溪都民蒙士顏建

來胤橋

在縣北捌拾里嘉靖拾伍年康溪都民黃綺建

赤石橋

在縣西北叁拾里嘉靖貳拾伍年縣街都香民蒙德
聰建

西溪橋

在縣西北貳拾伍里嘉靖捌年縣街都民蒙德慈建

關隘

風門隘

在縣東北壹百貳拾里界接大庾

七連連隘

在縣西陸拾里界接樂昌

城口隘

在縣北壹百貳拾里界接桂陽

赤石連隘

在縣西北叁拾里界接桂陽

平安營 在縣東北伍拾里扶溪都

羅星營 在縣東北伍里縣街都

平石營 在縣東伍拾里扶溪都

厚塘營 在縣東伍拾里扶溪都

水西營 在縣北柒拾里康溪都

亦石營 在縣西北貳拾伍里縣街都

侯家營 在縣西叁拾里平山都

華陽營 在縣西北肆拾里永興都

石塘堡 在縣西伍拾里石塘都

繁華堡 在縣東伍拾里扶溪都

高岡堡 在縣東北捌拾里扶溪都

水東堡 在縣北柒拾里康溪都

大嶺堡 在縣北柒拾里康溪都

卷之二

田糧

元至元二十七年稅糧一千二百九十石一斗二合伍勺

國朝洪武貳拾肆年官民田地壹千壹百貳拾陸頃捌拾柒畝

伍分捌厘

秋糧米伍千貳百伍拾叁石陸斗貳升柒合

永樂貳年官民田地肆百伍拾叁頃肆畝壹分捌厘玖毫

秋糧米貳千壹百肆拾伍石柒升壹勺伍撮

成化年官民田地伍百叁拾伍頃柒拾壹畝伍分叁厘

秋糧米貳千叁百伍拾叁石叁合陸勺

弘治年官民田地柒百壹拾叁頃肆拾陸畝叁分肆厘壹毫

秋糧米叁千貳百壹拾陸石叁斗玖升陸合陸勺捌抄陸撮

正德年官民田地柒百壹拾叁頃陸拾貳畝柒厘陸毫

秋糧米叁千貳百壹拾柒石玖升肆合叁勺壹抄玖撮

嘉靖年官學民田地山塘柒百壹拾肆頃肆拾肆畝貳分叁

厘叁毫貳絲捌忽叁微

官學田地陸頃玖拾肆畝叁分壹厘

官租田叁斗肆合則田壹頃玖拾叁畝捌厘

沒官中田貳斗肆升則田貳頃陸拾貳畝柒分肆厘伍毫

學田壹斗貳升伍合則田貳頃叁拾伍畝玖分捌厘伍毫

叁斗肆合則沒官地貳畝伍分

民田地山塘柒百柒頃肆拾玖畝玖分貳毫貳絲捌忽叁微

肆升則民田陸百捌拾柒頃叁拾貳畝壹分壹厘伍絲六微

叁升則夏稅地貳拾捌畝伍厘

肆升則民地壹拾叁頃捌拾柒畝貳分捌厘壹毫伍絲柒忽

伍升則民山柒畝肆分伍厘陸毫

伍升則民塘陸頃肆畝玖分壹厘肆毫肆絲柒微

夏稅麥玖斗

秋糧米叁千貳百貳拾石玖斗玖升肆合伍圭

官學糧壹百捌拾柒石肆斗陸升肆合捌勺

民糧米叁千叁拾叁石貳斗貳升玖合玖勺壹抄捌撮伍圭

鹽糧鈔貳萬貳千肆百肆拾貫

每鈔壹貫折銀叁厘本縣合屬官吏并市鄉民人口壹千

名共人口叁千陸百柒拾貳口同歲食鹽貳萬貳千肆

百肆拾斤該鈔貳萬貳千肆百肆拾貫共折銀陸拾

柒兩叁錢貳分

課程

魚課米柒拾叁石捌斗

有徵課米伍拾壹石柒斗玖升每石折銀叁錢壹分伍厘

無徵課米貳拾貳石壹斗每石折銀貳錢陸分伍厘共銀

貳拾貳兩壹錢柒分叁毫伍絲

魚油陸拾伍斤陸兩

對折黃麻陸拾伍斤陸兩每斤價銀貳分貳厘共銀壹

兩肆錢叁分捌厘叁毫

魚鱠壹斤陸兩壹錢伍分正

對折魚線膠壹斤陸兩壹錢伍分每斤價銀捌分共銀壹

錢壹分

翎毛柴百壹拾玖根

折納熟鐵壹拾肆斤肆兩每斤價銀貳分共銀貳錢捌

分伍厘

稅課鈔

尚稅鈔伍百叁拾伍貫柒百文銅錢叁百伍拾文

門攤鈔壹百貳拾肆貫捌百文

沒官房屋賃鈔陸貫叁百文銅錢肆拾伍文

酒醋鈔壹百肆拾伍貫叁百肆拾伍文

牛租鈔叁貫伍百文

戶口

漢唐宋無稽

元戶壹千陸百叁拾肆

國朝洪武年戶壹千壹百柒拾肆

口玖千陸百肆拾伍

永樂年戶柒百單柒

口叁千貳百伍拾伍

成化年戶陸百陸拾壹

口叁千肆百肆拾叁

弘治年戶捌百伍拾柒

口伍千肆百壹拾肆

正德年戶捌百玖拾伍

口伍千柒百壹拾伍

嘉靖年軍民戶壹千壹百貳拾伍

民戶柒百貳拾壹 軍戶陸拾玖

馬驢站夫壹

弓兵舖兵戶貳百貳拾陸

蛋戶玖

口伍千柒百捌拾

男子叁千伍百肆拾壹
婦女貳千貳百叁拾玖

徭役

均平銀叁百玖拾柒兩玖錢壹分壹厘陸毫陸絲玖忽

歲貢每年貼府貢拾壹兩縣叁拾叁兩

科舉每科貳兩捌錢

迎接舉人於各年多番銀文角

朝覲本縣首領官盤費拾伍兩酒席叁兩造冊肆兩

新官到任祭禮公晏什物并脩衙共銀叁拾壹兩伍錢

季考四季共花紅紙筆餅卷銀叁兩肆錢肆分捌厘

歲考每次銀壹兩叁錢陸分陸厘伍毫

文廟祭丁每年貳次共銀肆拾貳兩

啓聖鄉賢名宦每年貳祭共銀拾肆兩伍錢肆分

山川社稷每年貳祭共銀貳拾陸兩壹錢

鄉飲每年貳次共銀拾陸兩

每祀每年叁祭共銀拾伍兩

迎春祈雨用銀肆兩陸錢貳分

桃符每年用銀捌錢

應祀神每年用銀伍兩

拜聖節每年用銀柒錢

造網每年用銀伍兩

卓帛用銀伍兩壹錢捌分

夫船每年貼曲江叁拾柒兩伍錢

雜用每年用銀拾伍兩

孤老叁兩零伍分

曆日每年銀伍兩

銀差伍拾役

本縣柴薪皂隸柒役每役銀拾貳兩閏月加銀壹兩

馬夫叁拾役每役銀肆兩閏月加銀叁錢叁分叁厘叁毫

本縣儒學齊夫陸役每役銀拾貳兩膳夫貳役每役壹兩

儒學堂齋門子叁役每役銀柒兩

貼解伍分銀拾伍兩

布政司撥用水夫壹役銀拾兩

會試舉人水手伍分銀伍兩

廣西梧州府府門驛廩給庫子銀叁兩壹錢柒分

力差壹百壹拾貳役

嶺南道并公館門子各壹役每役編銀叁兩伍錢

本縣直廳門子壹役銀陸兩

本縣直廳皂隸貳拾肆役每役銀叁兩

正解戶伍分貳拾兩

本縣耳房庫庫子壹役銀拾兩

本縣禁子肆役每役銀伍兩

本府禁子壹役銀柒兩貳錢

本府通濟倉斗級半役銀伍兩

本縣存番倉斗級貳名預備倉叁役每役銀捌兩

扶溪恩村貳巡檢司弓兵各叁拾名每役銀叁兩陸錢

渡肆處共渡夫肆役每役銀貳兩

山川社櫻邑厲壇門子共壹役每年銀壹兩伍錢

舖舍貳處司兵柒役每役銀叁兩陸錢

本縣儒學庫子貳役每役銀柒兩

軍屯

韶州守禦十戶所屯貳所

水羅屯 在石塘都 中塘屯 在平山都

廣州府後衛屯捌所

後嶺屯 扶溪屯 紫嶺屯

善岡屯 以上在扶溪 蘇歷屯 在石塘都 解江屯 在解江

平山也 在平山都 石母也 在縣街都

土產

穀類

稻 有陸拾日熟者 粘 有雲南粘 捌月 糯 有蔗糯 重陽糯 烏
有壹百日熟者 粘 粘鼠牙粘 數種 糯 黃糯 羊膏糯 數種
粳 有早晚赤白之 豈 有黃亦白 黑花 芝 蒜 有黃黑白參種
類 綠陸種

果類

小梨

栗

李

有紅黃泥
珍珠四種

梅

柚

柿

橘

柑

金橘

香橙

楊桃

枇杷

桃

櫻

芭蕉

蓮藕

耳擦

木類

青茶

苦茶

黃茶

甜茶

藥類

薑黃

麥門冬

車前子

益母草

蒼耳

香附子

薄荷

紫蘇

香薷

馬鞭草

何首烏

馬薺寬

朱砂

花椒

山梔子

土茯苓

有赤白貳色

竹類

筋竹

麻竹

苦竹

車竹

黃竹

紫竹

蘆竹

猫竹

觀音

丹竹

花類

桂赤黃白 蘭有肆李蘭樹蘭吊蘭 鷄冠 菊 蓮

月月紅 夜合花 五寸錦 夜落金錢 剪刀花

茉莉 素馨 玉簪 金鳳有紅白兩種 映山紅

芙蓉 有紅白黃

木類

松 栢 槐 柳 桐 梓

蠟樹 柯 榕 楓 杉 檟

樟

羽類

鷄 鸞 鴨 野鷄 鸚鵡 鸚鵡

白鷓鴣 鴉 鸚鵡 燕 白鷓

白鷺 黃鸝 鷹 鴉 鴉 烏

鴉 麻鳶 小翠 子規 白頭翁 畫眉

春鳥 鷓鴣 蠟嘴 竹鷄 伯勞

毛類

牛有水牛黃 羊 猪 騾 驢 犬

猫 兔 馬 鹿 鹿 山馬

山牛 山猪 山羊 虎 赤狗 獺

猴 狐狸 猿 獾 土麝以鼠麝 穿山甲穿山 鼠

鱗類

鯉有金鯉 草魚 青魚 鰱 鯽有團鯽

竹魚 鮓 烏魚 鱖魚 鯉

鱖魚 斑魚 鱸魚 鱖鱗 鱖

甲類

龜 鼈 蚌 田螺

服用類

粗葛布 土綿布 土苧布

風俗

元志云性率貞直俗近龐朴在城事高賈在鄉務敦蓄其食

糲粘其衣綿葛田夫野老有太古之風

國朝德化漸染習俗還淳百年無告計長吏之風父老以不至公

門為賢中間頗長浮靡近被

文教率與人尚詩禮頓復古雅視昔有加焉

氣候

仁化多窮山絕嶺風氣不常大約秋冬宜寒而間熱春夏宜

熱而間寒東坡所謂四時皆是夏一雨便成秋獨殊鄉

旅遇寒暖失調輒能致疾雖有土着之民至朔玖月無雨

瘴疾且不克此氣候之大弊也

卷之三

歷代

宋 知縣蘇邁 眉山人紹興肆年任有傳

縣丞鄭軫 德化人淳祐元年任

元 縣尹程準 延祐元年任

國朝

知縣何初 洪武貳年任首創公館

宋忠 永樂肆年任操守廉潔政令寬平

鄭幾 江浦義門人永樂拾年任

唐崇 廣西人

于定 江西人正統伍年任

羅俊 泰和人進士由御史天順元年調任有傳

吳文 天順捌年任

徐聯 直隸安慶人成化叁年任

許聰 潮州人成化五年任

李淮清 安福人成化拾壹年以文學才行薦府經歷來知縣
事清心莅政節用愛人却民仰之若父母

周珪 廣西人

劉熙 吉水人成化拾叁年任

翁同 晉江人成化拾伍年任政治簡易興墜補敝

張同 莆田人舉人成化拾捌年任脩舉廢墜士民稱之

丘敬 邵武人成化貳拾壹年任脩歸防衛有功於民

左濟 寧德人舉人弘治伍年任有傳

劉琰 安福人弘治捌年任

馮維 順昌人弘治拾叁年任

李安 桂陽人舉人弘治拾陸年任廉以持己寬以徯民

陳葵 永安人

廖儼 公安人政尚公勤

林大霖 莆田人舉人清謹不苟民思慕之

李萼 大羅衛人

于祥 東鄉人舉人政尚寬平番心學校士民感服陞慶
府判

陳豫章 長樂人舉人嘉靖柒年任自持剛方益民惠愛重學
校而勤作養建義倉以濟困窮賢聞當道累錫褒

嘉聞訃而歸士民
泣番陞潮州府判

余淵 餘饒人舉人嘉靖拾叁年任學問該博政事簡實

張鑾 貴池人嘉靖拾柒年任

陸儀 賀縣人嘉靖貳拾壹年任

黃大器 石首人嘉靖貳拾叁年任

嚴時中 上虞人舉人嘉靖貳拾肆年任陞建寧府判

夏汝礪 廣西人舉人嘉靖叁拾貳年任清介自持惠民厚學

主簿

明彝 黃岡人 章南 姚杲 進賢人弘治
拾伍年任

甯鏡 河南人 朱志亮 沅州人 向珪 巫山人

胡富 孝感人 胡榮 豐城人 張璉 泰順人嘉
靖玖年任

胡 倣 本新人嘉靖拾柒年任 張世美 靈川人嘉靖貳拾年任佐政公平宅人心恕

陳 棟 莆田人嘉靖貳拾肆年任 鄭元 莆田人嘉靖貳拾年任 陳鳳儀 湖厝人嘉靖參肆年任

典史

趙貞觀 洪武年間任 林崇富 李浩

吳康 蔡孟寬 惠安人 方銘 廣西人

莫政 臨川人 江英 黃巖人 顧宗珮 莆田人

戴富 新塗人 鄒爵 江西人 李倫 梧州人

丁祐 豐城人 朱憲 會稽人 黃燁 豐城人贊治公勤

黃良 莆田人嘉靖拾玖年任 曾珍 柳州人嘉靖貳拾年任 連汪 惠安人嘉靖貳拾伍年任

林文明 候官人嘉靖參拾年任

儒學教諭

翁琪 莆田人舉人 林崑 有傳 黃勝

沈和 仁和人 黎琰 蒼梧人勤於教誨科不乏人 趙康 道州人有傳

馮浩 南海人 朱積 鄭渠 莆田人

尹淳 蒼梧人 邊文 江西人 郭安 莆田人

羅奎 太和人 劉舉 閩縣人舉人學問該博操履端方 李瑞 龍溪人

陳錠 長安樂人舉人嘉靖捌年任問學淵源兩典交行持守不苟膏囊獎勵講解而肯綮有傳督課程而精別甚當當道踈薦行取

赴京士子至今慕之

劉大器 桂林人舉人嘉靖拾陸年任 黎士亨 蒼梧人嘉靖貳拾年任

蔡鸞 進江人嘉靖貳拾叁年任深於易理而善髣斯士長於詞而見重上人

施可學 福建舉人嘉靖參拾貳年任年青學博士類傾心 胡居安 金華府湯溪人嘉靖參拾伍年任

訓導

賴永福 蒼梧人 黃温 閩縣人 史慶 莆田人 慶人有學識每日黎明即起授諸生書日晏則為解成

教課至暮不倦 林本 閩縣人 盛鳳儀 湖陽人 姚倫 舊志有傳今仕致國子助斯

流樂 建安人 張弘 連江人 賴文奎 蒼梧人 徐珪 吉水人

戴璽 為平人 劉縉 龍溪人 劉濂 漳浦人 胡昂 常山人

史倫 桂陽人 戴宗 內江人 侯莫 華亭人 林起鳳 大庾人

洪瑋 向靖人 齊賜 樂平人 學識克榕誨人 袁貴 蒼梧人 倦易學得傳

羅繡 上高人 阮良重 昔江人 陳豫 莆田人 嘉靖拾肆年任 莫廷紀 莆田人 嘉靖拾肆年任

張文漸 上虞人 嘉靖貳拾年任 學博才克 黃紳 宜黃人 嘉靖貳拾年任 動於講解隆龍溪縣學教諭

左雍 卓德人 嘉靖貳拾肆年任 謝珍 定安人 嘉靖貳拾伍年任 長於詩賦講解諸士咸稱師範

陳文選 廣西桂林人 言確而似不 徐佳 江西金谿人 嘉靖拾玖年任 可犯行端而足以為法 志廣才行不可量 有遠志

張守一 廣西桂林石衛人 嘉靖 陳汝昌 江西臨川人 嘉靖 參拾貳年任 拾肆年任

恩村巡檢司

蔡敬 福建人 何林 上虞人 賴景陽 保安人 馮林 人 張萬壽 人

葛織 江西人 翁亮 莆田人 嘉靖 林賓 莆田人 嘉靖 拾柒年任 黃吉 莆田人 嘉靖 伍年任

扶溪巡檢司

陳祭 仁和人 李春 崇德人 張鈺 慈溪人 宋學詩 霸州人 正德拾年任

陳鏗 麻縣人 嘉 林明 嘉 鄭瑛 莆田人 嘉 拾貳年任 段尚經 嘉 拾伍年任

雷廷高 清流人 嘉 元明 浙江人 嘉 拾陸年任

陰陽學訓術

劉以盛 本縣永興都人 曾翹

醫學訓科

陳堪 本縣永興都人 曾明

公署

嶺南道

在縣治東前堂壹座連池壹口涼亭壹所東西房或間廂坊肆間厨房壹間大門叁間儀門叁間知縣于祥於嘉靖貳拾年重修

府館

在縣治南正堂壹座東西房或間西廳壹間廂房或間厨房貳間

學校

儒學

舊在縣治西宋嘉定貳年知縣蕭創旋燬于危知縣趙政創於縣治東拱宸坊淳祐元年縣丞鄭珍復建於舊所邵文學延平湯審記延祐元年程準修學肆年漁訪使張世宗置學田程準為記元末兵燹

國朝洪武叁年知縣何初重造立射圃于學東永樂肆年知縣宋忠又重修洪熙元年教諭甬瑛完修成化陸年月知

方新脩明倫堂塑聖賢像并龕成化拾壹年通判徐統脩鎮遠堂壹座號舍拾貳間各有讀書格成化拾捌

年知縣張同重修石櫺星門叁門創崇賢堂壹座又因學前公廡廢壞于學西重修公廡叁間饌堂前開

井宜口今廢弘治元年知縣丘敬重立射圃正德間知縣林大霖重建號舍

文廟

叁間弘治肆年知縣左濬重修嘉靖陸年知縣于祥重建於嘉靖貳拾陸年知縣嚴時中重修

兩廡

各伍間弘治肆年知縣左濬重建嘉靖陸年知縣于祥重修

戟門

叁間弘治肆年知縣左濬重建嘉靖貳拾陸年知縣嚴時中重修

櫺星門

叁門先時建立以木成化拾捌年知縣張同易以石柱櫺星門外左八字牆各柒尺餘弘治肆年知縣左濬製石

敬一亭 在進德齋東

啓聖祠 在西濟街右

明倫堂

在文廟後弘治肆年知縣左濬嘉靖陸年知縣于祥嘉靖貳拾陸年知縣嚴時中先後叁次相繼脩建

露臺

在明倫堂前知縣夏汝礪嘉靖貳拾叁年內建

兩齋

舊時卑狹歲久頽廢弘治肆年知縣左濬重建東曰進德齋西曰脩業嘉靖貳拾陸年知縣嚴時中重脩

號房

拾叁間舊時分東西各陸間弘治陸年知縣左濬重建儒學以號接轉西邊一連拾貳間辛未知縣林文蘇重脩嘉靖叁拾叁年

會饌堂

知縣夏汝礪重脩

儒學門

弘治肆年知縣左濬重建嘉靖陸年知縣于祥重脩

義門

在文廟東嘉靖貳拾陸年知縣嚴時中建

禮門

在文廟西嘉靖貳拾陸年知縣嚴時中建

教諭街

在戟門前東嘉靖貳拾陸年教諭蔡鸞重脩

訓導街

在儒學前嘉靖貳拾年訓導張文漸重建貳拾肆年訓導黃紳重脩

訓導街

在脩業齋西或棟各叁間嘉靖叁拾叁年訓導張守一建

神廚

在戟門右

祭器

自洪武以來俱用磁器嘉靖拾貳年教諭陳定始置蓮豆簋簠銅爵燭臺盤卓帛盒已壞嘉靖叁拾肆年

訓導張守一脩補

射圃

在縣治後洪武初知縣何初立嘉靖陸年知縣于祥重建

瀛美書院

在縣南城外舊真武閣嘉靖元年知縣于祥改為瀛美書院前堂壹間兩邊耳房上有閣後堂壹間內廊

大門 叁門

會禎社學 在縣西城外會禎橋西今廢基存

西隅社學 在縣西城外今扁曰會禎社學

北隅社學 在縣北城外

扶溪社學 在扶溪都紫嶺

高岡社學 在扶溪都長江

洪山社學 在平山都江頭

恩溪社學 在康溪都恩溪

水東社學 在康溪都水東

學田 在縣治西南前拾里上名獅子巖下田租肆拾石

名宦祠 在戟門西祀宋蘇邁國朝羅俊左清翁瑛林崑趙康

鄉賢祠 在學宮東祀唐丞相張文獻公宋尚書袁公蒙景

名宦

宋 蘇邁 文忠公軾之長子任知縣文章政事有父風云

國朝 羅俊 忝犯人由御史來任知縣守廉行公恤民礼士士蒙

其化民被其澤後陞廣西潯州府知府

左 清 平德人前餘干縣學訓導擢仁化縣令清漁愛民脩

葺學校當道薦其才遷知劇縣

翁 瑛 莆田人由舉人授教諭初到學舍頽廢瑛以次完繕

無不雅飾日進諸生親為講授胸次洒落于人無受

堵人有小言稱過不至陸國子助教尋擢翰林檢討

參子貳登顯仕俊以子貴贈尚書

林 崑 莆田人由舉人司訓之蘇州貳拾年陸教授鄉宣德復改

授仁化士鮮知學崑復以教行李第為教之

先務人或以為迂力請歸休自號萬竹居士崑學

博行脩與物無忤好看詩文下筆立就書真草書

肆典文衡多得名字俊以

子祥鳳貴贈觀察御史

趙康

道州人由舉人以洋鄉訓導陞教諭歷德陽安仁化凡
參拾餘年為人恭儉樂善教人不倦晚年致政以子貴

封主

事

增遺

社稷壇

在縣北貳里

風雲雷雨山川壇在縣南壹里

邑勸壇

在縣北貳里已上叁壇俱洪武貳年知縣何初建天
順元年知縣羅俊脩嘉靖捌年知縣陳豫章重修

教場

演武亭壹座

在縣西南

貢賦

戶部坐派物料

銀珠伍拾伍斤

枝圓

黃蠟

已上共銀伍拾肆兩貳錢捌分肆厘陸毫捌絲柒忽正

工部坐派物料

水牛皮叁拾張

白硝麂皮肆拾張

小宅硝鹿羔皮肆拾貳張折胖襖共派銀壹兩陸錢陸分

預備生漆柒拾斤

造成生漆肆拾斤

翠七貳個

漆肆肆斤
西漆肆斤

已上土貢物料每歲坐派各有定額嘉靖玖年正月奉

都察院勘合為均一料派以便徵納以節民財事前項

坐派盡行革去截自玖年為始各府驗糧均派每民米

壹石出銀叁分捌厘柒毫官米壹石出銀壹分捌厘柒

毫合屬隨糧徵解布政司聽候轉解

兵制

本縣額編民壯貳百名

恩村巡檢司額編弓兵叁拾名

扶溪巡檢司額編弓兵叁拾名

坊表

毓秀坊 在儒學東嘉靖貳拾陸年知縣嚴時中重脩

萃英坊 在儒學西嘉靖貳拾陸年知縣嚴時中重脩

進士坊 在康溪都思溪為宋進士蒙應昂立

觀光坊 在康溪都思溪為舉人家

登第坊 在康溪都思溪為舉人家崇立

文魁坊 在縣街都康溪為舉人鄒文立

肇芳坊 在平山都康溪為舉人譚璿立

墳墓

漏澤園壹所 在縣北貳里

卷之四

進士

宋蒙美昂登寶祐肆年丙辰科文天祥榜

特奏

蒙天民登慶曆間特奏科任本縣知縣

鄉舉

國朝朱璞永樂元年鄉試任廣西天河縣學訓導

譚裔永樂玖年辛卯科鄉試任交趾都司斷事

鄒文正統玖年甲子科鄉試

蒙正正統玖年甲子科鄉試任直隸徽州府推官

蒙榮天順陸年壬午科鄉試

蒙溫成化叁年戊子科鄉試

譚璿成化柒年辛卯科鄉試任江西瑞州府學訓導

王尚學弘治貳年己酉科鄉試任柳州府同知

歲貢

陶文仲應洪武拾柒年貢任湖廣襄陽府學教授

李明善應洪武拾玖年貢任江西安遠縣知縣

蒙景明應洪武貳拾壹年貢

劉應子應洪武貳拾貳年貢

李清應洪武貳拾肆年貢浙江餘姚縣知縣

劉成仁應洪武貳拾陸年貢

劉子平應洪武貳拾柒年貢

蒙良應洪武貳拾捌年貢

陳九思應洪武貳拾玖年貢任福建福寧縣縣丞

劉迪應洪武叁拾年貢

鍾清應洪武叁拾壹年貢

李宗應永樂元年貢

譚淵應永樂叁年貢

譚東直應永樂肆年貢

譚澄應永樂伍年貢

侯以吳應永樂陸年貢

譚源應永樂捌年貢

侯富應永樂玖年貢

黃懋應永樂拾年貢

鄧信應永樂拾貳年貢

盧負應永樂拾叁年貢

劉寧應永樂拾肆年任淳安府麻城縣主簿

蒙思齊應永樂拾伍年貢

蔡宗應永樂拾陸年貢任福建永福縣知縣

李素應永樂拾柒年貢任吏目

朱榮應永樂拾捌年貢任廣西懷集縣知縣

譚惠仁應正統叁年貢任江西玉山縣縣丞

劉拱應正統伍年貢任雲南都司斷事

譚琦應正統柒年貢任廣西柳城縣縣丞

劉洛應正統玖年貢任白洋口千戶所吏目

鍾鼎應正統拾年貢

譚鐔應正統拾叁年貢任廣西真山縣縣丞

鄒寧應景泰元年貢

陳先應景泰貳年貢

唐敏應景泰叁年貢任連山縣知縣

譚昭應景泰肆年貢任湖廣按察司照磨

蒙敏應景泰伍年貢任知事

李忠應景泰柒年貢

譚舉應天順貳年貢

蒙直應天順肆年貢

劉以惠應天順陸年貢任福建建寧衛經歷

譚雲應天順捌年貢

黃瑞應成化元年貢任吏目

葉泰應成化叁年貢

李宗應成化肆年貢

梁慶應成化陸年貢任江西吉安府照磨

李華應成化柒年貢

梁能應成化玖年貢

譚紋應成化拾貳年貢

陳禧應成化拾肆年貢

黃鼎應成化拾陸年貢

李沐應成化拾捌年貢任廣西岑溪縣學訓導

譚高應溪人應成化貳拾年貢任江西上猶縣學訓導

譚政應成化貳拾貳年貢任江西按察司知事

劉淵應弘治元年貢

朱源應弘治叁年貢

侯昌應弘治伍年貢任貴州吏目

劉寶應弘治柒年貢

蒙瀛應弘治玖年貢任貴州衛經歷

蒙榮恩溪人應弘治拾年貢

劉澄應弘治拾壹年貢任均州州判

何清應弘治拾貳年貢

蒙揖恩溪人應弘治拾叁年貢任江西石城縣主簿

唐順唐村人應弘治拾肆年貢任金吾衛經歷

龔應洪應弘治拾陸年貢任吳江縣主簿

李球應弘治拾捌年貢任衡州府知事

譚仁才應正德元年貢任台州府照磨

劉選應正德位年貢先任江西永寧縣學訓導復任廣西林桂縣學

湖廣承天府學訓導

譚玉平山人應正德柒年貢任廣西永安州知州

陳德應正德捌年貢任湖廣辰州府照磨

蔡高應正德拾年貢

譚尚周應正德拾貳年貢任貴州按察司照磨

葉廷美應正德拾肆年貢任上下凍州吏目

葉深應正德拾陸年貢任廣西藤縣主簿

譚用麻塘人應嘉靖貳年貢任福建福清縣主簿

黃士元應嘉靖肆年貢任江西永寧縣主簿

葉景泰應嘉靖伍年貢

譚曜應嘉靖陸年貢任湖廣遠安縣知縣

家應龍應嘉靖捌年貢任浙江遠安縣主簿陞刑部判官

羅俊應嘉靖拾年貢任福建福清縣主簿

劉世爵應嘉靖拾伍年貢任福建順昌縣縣丞

劉宗用應嘉靖拾叁年貢貳拾陸年任福建龍溪縣縣丞

楊安宅應嘉靖拾陸年貢任廣西陸川縣學訓導

葉纓芳應嘉靖拾柒年貢

蒙士元應嘉靖拾捌年貢任廣西武元縣知縣

葉伯亨應嘉靖拾玖年貢任廣西賀縣知縣

蒙樹應嘉靖貳拾年貢任廣西陽朔知縣

譚美應嘉靖貳拾壹年貢任浦城縣縣丞

譚增壽應嘉靖貳拾叁年貢

譚見龍應嘉靖貳拾伍年貢任閩縣主簿

蒙士顏應嘉靖貳拾柒年貢

李建中應嘉靖貳拾玖年貢

劉宗周應嘉靖叁拾壹年貢任江西興國縣訓導

譚觀應嘉靖叁拾叁年貢

蒙音應嘉靖叁拾伍年貢

例貢

劉馨成化拾壹年授例入監任湖廣南漳縣主簿

劉幹正德玖年授例入監

蒙煙正德拾叁年授例入監

藍廷鏞正德拾叁年授例入監任江西贛州府檢校

蒙昭嘉靖肆年授例入監

蕭元嘉靖肆年授例入監任廣西梧州府照磨

譚鏗嘉靖肆年授例入監

彭松嘉靖拾伍年授例入監

劉錫嘉請拾捌年援例入監

蒙希順參拾貳年援例入監

李希凱參拾叁年援例入監

劉宗準參拾叁年援例入監

鄒儒魁參拾肆年援例入監

藍田參拾肆年援例入監

蒙仁愛參拾伍年援例入監

吏選

譚經任倉大使

譚忠扶漢人任司徵

李廷觀任驛丞

鄧裕城口人任巡檢

蒙恩觀任南京留守衛經復任交趾經歷

蒙景熊任廣西延平縣典史

省祭

葉伯成 賴天成 陳用和 葉伯璋 葉鵬

恩錫

陳志堅 劉漢 高積良 蒙柯 李成玘

譚志潔

薦辟

蔡良

字明吉積德務學無邪枉之行洪武間膺賢良方正薦任湖廣按

州同知有廉能聲後陞本州知州政聲益著

家棣昌

字天錫家世業儒刀學不怠洪武間膺文學才力薦授麗水縣知

縣嘗以清白持身以嚴謹治政權知桂陽州事益有清聲及之官蒙無餘錢

孝友

家景澄

字伯潔天性至孝母嘗病縉願告天求以身代父况亦曾祖以况母年哀

豐盈數勺水不合及至極甚父卒亦知之弘治元年歸立職為善而不懈其

文學

家榮

字志仁敏敏讀書過人拾柒歲以場經中鄉舉詣學京師年十五歲推

重之從學甚衆而束脩之禮不受後卒于京師登酒丘公與朝

紳大夫各賦詩以哀之

善人

邵銘

家璧

李淳

義勇

羅節嘉靖貳拾伍年寇入長江率家衆禦寇死難

譚勳嘉靖叁拾壹年賊犯河西奮勇殺賊遇難立祠

古蹟

古城二

壹在縣北壹百叁拾里康溪都秦末龍川令趙佗所築

其境通柳州桂陽今之城口村蓋唐垂拱初置縣所築

今皆廢

三皇廟

在縣西壹里縣街都

寺觀

金鳳寺

在城東隅洪武年重創立僧會司正統捌年僧會

悟昇重修嘉靖間又脩

西峯寺

在縣西南貳拾里宋時建永樂伍年重創嘉靖間重修

皈依寺 在縣西二十里洪武間創成化年間香民譚彥淳蒙康
譚憲譚奇鈺等重修

西山寺 在縣西四十里有光朝古塔遺跡

錦石巖寺 詳見水頭類

西山堂 在縣南四十有西山祖師及呂公真人定光古佛皆是大
宋淳祐年間刻像每遇大旱祈雨有感鄉人多崇其教

西蔭寺 在縣東五十里宋紹興元年創永樂年脩正德年
又脩

大雲寺 在縣西五十里唐咸通初僧惠懿禪駐錫始創

厚山寺 在縣北崇拾里宋淳熙間創永樂拾年香民蒙恩
延重建天順捌年香民蒙銓遠重修嘉靖年間又脩

遊仙寺 在縣北七十里

臨江寺 在縣北八十里梁大通創

雲臺庵 在縣東北八十五里凡析夢者多驗

石臺庵 在縣東北九十里

堂齋庵 在縣北八十里

太平庵 在縣北捌拾里

祠廟

城隍廟 在縣治東

南禪臺廟 在縣東四十里宋慶曆四年宋士寧等脩古
碑尚存

潼江廟 在縣南五十里縣治水口

吳王廟 在縣北七十里有吳王三公古像係元朝至正年間
刻像崇昌鄉人遇旱來請祈雨有感

橫村廟 在縣東北伍拾里

羅江廟 在縣北七十里

運口廟 在縣西北三十里赤石運口成化年間耆民劉輔宗唐俊紅家正宗創

僊釋

唐

惡懿師河北人姓陳咸通初乘虎至仁化駐錫今大雲寺

是也咸通拾叁年拾壹月拾伍坐化立塔雨旱禱之有應

鄉人號塔為聖師塔

祥異

嘉靖叁拾貳年縣治東北五十里白石嶺虎常傷人數

十餘今願息

嘉靖叁拾貳年秋大旱機

嘉靖叁拾伍年春大雹落地如鷄子大

嘉靖叁拾伍年夏水驟漲進城淹毀民舍田地不可勝計

嘉靖叁拾伍年縣東北八十里落雨如硃赤

卷之五

文藝

仁化縣脩城知府王賓記

王公設險以守其國大易之訓也城郭溝池以為固亦君子

之所謹也鑿期池築斯城與民同守孟子之所以語滕君

也嗚呼設城郭以衛生靈也其來尚矣古之君子安不忘危

治不忘亂憂民之心未嘗少置凡有民社之寄者不可不知

所務哉仁化舊有土城三里許日傾月頽僅存一二牧斯民者亦
云多矣不加脩築者不知所務故也天順辛巳至癸未三歲
之間兩懼沆賊之標掠于時居民悉避難于崇山峻峯提
携召戴辛苦萬狀甚至於父母妻子離散而老弱歿於溝
壑可爲大息可爲沆涕苟有高城深池以保障之縱有
暴客之未運之信宿和我有備彼特道適而居民焉有
播遷之患耶成化丁酉李秋予由內臺出守茲土戊戌春
春之任首詢民瘼貳守會稽曹公謙通府上饒徐公饒
節推都昌余公嵩經歷壽昌李時堅作爲言曰韶城之類
岸所宜脩也否則城隨以傾仁化之類城所宜築也否則
民焉恃哉論今日爲政之務莫急於此予曰役民以事
工築是勞民也未能愛民而先勞民仁者不爲也訪知部
民欺隱田糧者衆核其實宥其愆俾各指費以爲則不
勞民力下傷民財可乎愈曰然請亟行之令出部民翕
然從命適僉憲道州趙君弘駐節韶陽予具築岸
脩城之狀以告僉憲可其請達是謀于巡撫都憲桂陽朱
公喜曰田糧增城池固民不勞而事集夫豈不可徵乎予
乃選舉廉能之官吏掌其事幹濟之鄉民重其役市
石清工一毫不侵於民韶城之類岸成於己亥之季冬三元
少保尚公爲文記其事矣仁化之城垣成於唐子之仲

夏未有文也一日父老陳榮祖劉以寬偕督工鄉民家景光鍾
德倫劉鑑慈李成玉譚淮相率來告曰是城置四門周圍二
百八十丈串樓如之高一丈七尺闊以尺伍寸許城未築雖烟
火相接鷄犬相聞而士農工商危殆机捏不安其居城旣築
宵無警折外戶不閉以牧則蕃以種則獲以樵以魚以耕
以鑿隨其所營皆樂其業是雖成於一時之計實千萬年
之計也斯土斯民何其幸歟願請一言以語厥後俾將來官
斯邑生斯土者斯所自焉吁仁化之城有憲僉能體都
僉思慮預防之心以倡其事又有臧守諸公能體憲僉
之心同謀協志以成其事可謂遵古訓急先務而能憂民之
憂者矣保障之功豈淺淺哉是爲之記

仁化縣重建儒學記

湯露 即文學

舉天下皆仁也固無有擇地而存焉詔郡邑以仁化者豈不
以地僻而道固在也耶我朝文化慶曆極盛詔之縣各立
學獨是邑缺然越中興嘉蕭今始創學于舊邑西旋
燬于寇趙令卜地于新邑東惟宣聖殿傍風雨下温歲久
侵圯暨今淳祐邑佐鄭君軫自清源來首謁學宮在草莽
中爰咨在庭謀復于舊所適武弁攝邑難之未幾去乃僉
議經營效才力邑佐獨主厥成殿建門立廊廡序設講經

有堂肄業有齋聖哲中虞從祀在旁僧繪一新鄉先生張文獻公及余襄公祠在左周元公程純公正公朱文公祠在右學成而化可成在茲也然則誰謂邑褊小而興學之議則甚大誰謂土木功難而邑佐爲之則若湯堂向也邑士不得之令今鄭君得之邑邪此無他人心有仁如桃李有仁雖因塞於風塵淒冽之後必有萌芽於陽和敷鴨之初是危於楫棘者非其性而育於官墻者有其機此文教雖久鬱而可興仁道雖至遠而可行也鄭君闡德化人兄弟皆登進士君學有源委以佐攝令知所先務用能約已而厚土捐俸而助費此有志之人因鄭君而興起也士志於遠者大者勿安於小民味先難後獲之訓勿至於中畫人傑地靈彬彬可稱陰陽山水之蘊皆聽命於吾道者尚何拘焉

儒學增田記

程準 肇慶同知

仁化縣既脩孔子廟之二年準以是邑長移官肇慶路又二年邑士李才華來見嘆曰吾爲子志喜子於吾學嘗歸侵田侵堂宇有一日葺而壞百世憂弗果記延佑丁巳十月部使者新齋張公首訪儒功考德問業士觀感自新爲必葺計相與通財沅馳合勝錢八十萬奇將儲贏助費公曰時有欽敵不可久必因地之利乃有齋余承命經紀畚若干畝歲賦若干

斛旬日而完公閱之喜吾子憂於昔者得無喜於今乎則願以新余田之記爲請準共而言曰今天下書同文先辟之所未及也有虞氏之末康雖要荒蠻夷之地莫不知學賢則又三代之所未聞也倚歟盛哉然咏言於貪墨蹊奪於豪橫盡耗于饑饉餐乾沒于悍狡闕什去籍何所不至藻芹寒寒佩衿憔悴鞠蔬薪牧是不一所况巖涯避僻毀傷如吾邑者乎昔吾於諸生員各陞各闡地崇址瓦礫間視前規不失尺寸重門脩廡禮殿講筵歷拾餘年而始備或難壞易請生復謀脩葺而俾勿壞焉奈何後之屈於力者又非吾之所能格歎歎悵悵恨其何辭以告來者今稟私財益公賦歲取以俾給他時播種堂構若無以報罔極此豈語言勢利能得於人哉東爨好德人心所同魚躍鸞飛必有以作之首於是明教化之功遠矣得無喜諸而竊有感焉四代之學非直爲養也禮樂飲射之教厄而土專以口體之養望其上達國先學非以爲是也願受成之禮亡而土反以脩廢之責訪其下居安食飽不慮梁木之震凌淮牲餼存不思宮殿之離爾學非所學教非所其來久矣而余重有感焉禮曰凡學春釋奠于先師又曰始立學釋奠于先聖先師釋先師者謂如禮師石爨之類先聖則周公孔子也後之議禮者廟祀孔子于學如王者居以門人配而堂於寢矣建學

者如專爲宮墻地來家者又如參倚而日親矣之則清廟嚴
事固所自及起廢圖存徹桑木雨不得不共爲更新謀安能
坐待其敝具久哉聖道大行萬古一息而其不敝朽者又不可
以不察暗室屋陋昭如日星諸生知自新其德矣又必思所以日
新又新乃可爾噫此非人謀之能與也尚有待於作之而後與
也不然蓬蒿之事則有司存苟完苟美近乎祝史之爲非公
新美多士之初意亦非公謀道之隱憂矣春秋下書脩頹工
費徹也魯人頌之吾罕聞創見聖筆不削也其亦因人之心喜
而者乎歟憲史司徒福之陳士弘實成其美故書公張氏世
宗字元卿廉訪廣東其治以風偕世教爲本云學徒名氏賦
田則壤列者碑陰延祐五年伍月望日記

重建儒學記

范輅 桂陽人布政使

學校之地風化本原知先務者急之詔厲仁化舊有學大
倫於我

朝迄今百五十餘年而日就圯正德庚辰縣尹于君祥下車
之初凡百政務悉整厥心尤拳拳於學校久有志於脩舉
而未得專嘉靖丙戌督學歐陽公鐸按歷茲邑試諸生
目擊其敝即以其事語於于君祥復語郡守唐公昇及同
知姜君文通判符君錫劉君秉監推官符君訥皆協贊

爲之而責任於子君也以其事悃迺計財度力掄財購工伯爲並舉煥然一新堂則高明而兩齋弘敞殿則層層聳而兩廡軒直櫺星有門庖廩有所儀像充是皆坊舊觀墻垣繚繞皆圖永久肇工於丙戌冬月落成於丁亥夏月教諭李瑞訓導齊賜羅繡樂其事有成乃具頌末遣生員譚泌劉世爵求余爲文以識其盛余以爲吾

孔子之道若元氣之在天地間不可一日無植立天地扶持綱常功莫有過之者矣爲政者知先乎此以倡率士類則風化以端匪直爲於爲治而士類之游於此者亦將感發與起觀學宮之維新思吾進學之當勉瞻儀像之崇思吾人之可師法殆將人材輩出明體適用富有補於世教豈淺淺也哉此可見歐陽公唐公于公諸君皆可謂知所務而其爲政也溥矣宜書以垂不朽嘉靖陸年丁亥拾月朔記

新增學田記

嚴時中 上虞人本縣知縣

仁化由鄉爲縣自唐而宋置而後廢者再而其隸亦無常處至國朝始定屬于韶爲縣不芴矣學之建蓋自其有縣而無者前此來未嘗有田嘉靖歲丙午縣治西將二十里許有山名獅子巖厥卷與西峯寺僧以田相持訟諸

太府公陳罔詢其田之所自則曰由前鄉人李氏所施也而忘其

名矣乃謂太守公胡曰此反正之幾也大有美不以贖學校而以贖僧寺慕福之心蔽之也僧不能以其所贖自贖而以為爭廠田害之也與其留諸菴以久其爭孰與歸諸學以息其爭也太守公即檄縣發學而訟遂息其為田凡二十畝有奇歲可收租穀肆拾石官即繞巨巖下時嶺教事蔡繼烏欲稽其詳因索諸巖內遺蹟得碑石于蔡蔡問磨視之乃施舍人姓名曰某銀幾錢曰某穀若干石而無李氏施田名意者各助其工食而前此僧自為之開墾所以不升稅不入額而族訛後傳為李氏所施也遂屬予記之予聞古昔授田建學悉有定法民之為士固不必廩於學宮而大家巨室亦不得有羨田以資施予也自先王之法壞而後職教事者與藏脩遊息之士皆厚饒于官而其為養也薄矣矧亦未之能普也是以黌校間絃誦之聲多有闕寂寥而世之有力者罕知古意寧歸羨於寺於院而不以歸諸學其有如僧人善能者能不拘其教而入田五百畝於學曹氏以貧老之請而創膏腴以裕諸生者且其不多見矣諸僧之爭今不以予僧而以予學則匪獨息爭使事佛所無所資而無歸正之心業儒者得所籍而專向學之意風教寓於法律之中鼓舞行於簿書之外佛老不待闢而自闢聖道不必闢而自闢是豈非太守公不能為之啓其端非

守公不能為之成其志也其可以後之君子無亦行遂用錢
諸石嘉靖丙午年秋記

錦石巖龍王感應記

蒙天民 本縣人知縣

南方風信神荒山野外之間叢祠相望刻木合土像設森
列歲時報享烹豚宰糴初不敢緩大率假神名取醉飽
迄無虛驗可以感動于人吁以可嘆也大其間有不怒而威
祈而靈不與凡鬼神混合于血食之間則錦石龍王人不得
而知之矣龍王之居在岩之下遊人往來每用酒肴獻焉
非此則所謂歲報時享者他無與也王之座後有石崖高
數尺人莫敢近不計春夏石嘗滋潤邦人相與言曰歲或亢
旱禱之而龍影動其傍則雨可立而待淳熙壬寅自六月
不雨至捌月苗之槁者過半邑宰蔣公適禱群望俱無應
者時有耆老復申前說曰錦石巖龍王鄉音應如桴鼓外此
無可叩者公即命舟載酒肉與邑貢士蒙天民同抵岩所投
露情訴曾未旋踵陰霾四塞雷雨傾作隨車而回邑人大喜
迨其沾足乃率邑尉陳祐之等敬往致謝雨乃止涓滴不過
施得非所謂龍王者乎雲歲于至雨貯于襟呼吸之間感召
不爽命之曰龍王信不誣矣公嘉其德及民不思泯沒其實因命
天民記之初人來遊者觀之庶幾發潛德之幽光淳熙九年九月望日記

錦石巖切禪閣記

馮浩 南海鄉進士本學教諭

錦石巖仁化之勝境也邑之南十里有奇石萃然峙于溪涯之左其命名之故景物之奇既述於右先君子矣通者新作石門于其路間耆老譚倫劉以寬輩咸欲記之因來謁予予觀斯岩下視百丈路沿山腹曲折崎嶇比及一里始臻舟岸厥中一析處視他險獨最斷石作梯以為登塗周王之馬跡不能到謝公之後蓋不能及者右以上木為門僅容一大遺時之悔草寇之與善良從此禍患莫及庚寅之春住持僧清行暨諸耆老謀而新之予與邑宰及諸僚友許之遂鳩工任事不于垣不取材就其上斲其石而營之由西而南之小徑克通後山空之落成于是年夏四月門高十尺厚去其二闕如高之數上可架樓上凡五百餘費白金十兩官是邑者悉助以俸士庶莫不樂施以相為門成之日瞻之莪莪隱映山谷登者歌休者誦風靜雲收溪峯獻狀極於萬類靡不在懷豈不增岩之勝乎於乎賢者具愚者廢事之大小皆然其為可嘉廢為可戒斯門之廢而復具之且新其制焉是不可以不記成化七年夏四月記

重脩錦巖記

王賓 淳安人本府知府

成化庚子春二月辛未余抵仁化會計築城保障地方事既竣
命舟還韶去治邑二十里許左右皆曰是中有仙境宮壞閣不
多見余然其語乘輿登覽四面皆奇峯怪石也蒲座皆坐
草瓊花也岩之畔飛泉瀑布若不捲之珠簾也岩之前禽
聲松韻若笙簧之交奏也岩之下江水皎潔若素練也岩
之中深邃虛闊若殿宇也寔天造之自然非人力之使然清
風徐行浮嵐襲袂使人脫然而忘世慮賢仰而視之石有
五色如寒梅時有僧曰淨壽曰慈志者拜首告曰石間之繡
紋四序改易变色不常故名其巖曰錦石是岩肇基唐
末代有方外士居之而一碑一瓦一軒未置也南宋崇寧間居士
號法雲者聚衆善百餘闢山建菴力食焚脩而錦岩之
名始聞於天下景泰壬申有僧曰清行者率徒淨壽來岩住
特有化善信而處士李尅諱諱彥淳輩資金施財粧飾
像鑿金石爲階級數百丈斲石爲欄杆數百尺制石爲香卓
十八座平危疊險營構堂室迥然南方之勝景也成化乙酉
間清行圓寂而淨壽孑植杉松數千株歷歲既久群木鬱
茂間取其尤茂者構伽藍堂六楹廊房二十八楹岩之下構
菴五十余楹古跡獅子岩菴已頽亦從而鼎新之岩無常
住田乃募財買田二十餘畝率徒躬耕以備齋供淨壽之
功規昔尤多也岩頂有天然菴遺趾成化癸巳慈志募緣

重建脩行悟道矢不他適得非知者乎二僧首恐前跡之弗彰
慮已功之無述不踰月詣餘請記鐫石以求其傳辭弗獲
已於是乎書成化十六年春季春月記

儒學鍾銘

羅俊知縣

明倫有堂峻宇崇墉斯堂何有貢鼓維鑪鴻音振發諸
生深省誦詩讀書勤名彞鼎

金鳳寺重建佛教記

陳錠 長樂人鄉進士南
安同知

佛教自周昭王以來化行西域相傳千七百年後漢明帝永平十年
入我中夏歷二十三傳有師惠能落髮受戒始入韶州示寂于曹
溪實唐高宗儀鳳二年也迨我朝制令淫祠不載祀典者毀之
而佛教存焉故得與儒教並凡天下省郡州邑咸立寺以為祝
聖之所仁化韶屬邑邑東郭門外之右畔有寺曰金鳳其來舊
矣洪武壬戌降印記僧會領之景泰庚午住持悟昇重建募
首則耆民劉維劉惟恕醫學陳堪也歷僧了選慈闈輩力克世
守至是東廓僧房二座六間歲久頽圮慈甄集貲費建于正德壬
申工訖于癸酉之春僧房之右則佛教也維持工力有限弗能
並興嘉靖己丑予來主斯邑教學宮距寺僅數步許令僧
紹鑰數通接見予規其有重建之意屢獎而成之比辛卯予
使浙省試事壬辰春方復任而殿已作矣紹鑰過訪因以記

請予喜而告之曰若釋教與予儒教正匪儒者文易顯之以垂久
且若曹溪派也若師慈闈釋中之名也若能不墜宗教鼎新古判
其視若師有光復知請記於予殆淄流而慕儒者也昔者昌
黎送文暢浮屠有序東坡與佛印遊有詩予亦何靳為紹鑰
記也茲寺也南面城隅東西北抵路合迴圍六十有七丈數深
廣各三丈有奇高二丈有奇規模視昔有加員土崇石棟宇
魁傑簷牙外啄窓櫺內虛曠水向山雖處闌闌中有山林風致
仁陽一勝槩也肇工辛卯孟冬明年壬辰春仲己亥基築越六
日己巳堅柱仲冬落成董其事者護印僧紹鑰也緣長則鄉
大夫靜菴劉子選耆德葉世瑛鄒正沔也會守則葉永蘭
陳瑾劉世譽輩也記之者閩長樂小山陳子錠也書之者序
生劉世爵也書成刻之癸巳孟春丁卯日也

龍坑築橋碑記

葉伯亨 國學生

仁化古治邑也城之東去一里許有支河曰龍坑者源出東湖
山馴流百折南入諸江雖亢陽久旱厥流混混未嘗或竭是亦
錦江一勝槩也其道當楚柳陽韶屬邑往來之交賓旅耕商
老壯少稚摩肩踵皆病于涉先是或有設木以濟之者但值洪
汎之溢厥木即為漂蕩是故水割無常所濟不可以永享矣
東郭居士劉子世春昔因往見之喟然嘆說然弗克自安遂

謀及乃心爰稽諸卜既得厥卜隨相地勢積石市工以經營之始築爲橋高許丈脩廣如之東西接路皆輔以石朴實渾堅圖惟永久百兩之需皆出諸己人無預焉肇工於丙申子孟冬月越明年丁酉仲春乃克告成屬予爲民以記之予謂天下之事莫大於濟人濟人之實莫先于利涉而利涉之具橋其最也嗚呼休茲嘗聞子產以乘輿濟人於溱洧長令以九月除道十月成梁古之君子未嘗不汲汲以此爲心者顧劉子之築此橋也不靳乃積獨效於己崇石巍巍屹宅中土堅壯雄常聳聳具瞻襟長隄而帶清流駕天衢而拱王道保障崖崖博也厚也便宜道路夷然坦然帝車牛者厥載無佚遠服賈者利有攸往負者憇於斯疲者休于斯與夫士君子之往來朝行者登橋延望坦坦周行桑麻掩映莫行者瞻橋俯觀澄澄碧落星斗森列泰平氣象即此亦可矣少見矣嗚呼厥功不亦偉哉夫功者業之成善之基也蓋善雖小亦可爲而萬和之慶積于小易曰積善必有餘慶書曰作善降之百祥建無窮之基亦有無窮之聞子孫訓其成式惟又此序之所以爲劉子頌無識其功以昭于後也

黃沙港朱胤橋記

記水官 桂陽鄉進士陽江府推官

朱胤橋者我官黃克美氏建於地名黃沙港者也乃徵記于

軸山范子且告曰綺父黃朝舉劬已為言見重於卿大夫貴
中同歲歎輸粟於官受尚莠冠帶而世系之相承未有或後
也綺世德之承罔敢自惰年踰五十尚未舉子其必有遺行
乎是橋之建蓋以承先志而為之圖也予乃喟然而嘆曰事
固有所待乎前是好義者亦為橋於此歲久傾圮或作者之
木工舊址猶在莫有能復者無慮數十祀思溪子內族也予
嘗親涉其險矣蓋桂陽仁化為楚粵之界貨易相通往來
絡繹是淹之水會諸山礪閭霖潦驟至漫不可濟雖水落石
出而沙泥之濘艱於涉者猶故也豈為居民之病哉克美
乃覓匠氏鞭石舂灰以建此橋中為一洞長叁丈餘尺廣
致其長之半而岸俱甃以石為全費百金有時詠曰肇工不
貳月而告成厥功孔堅然後往來續及負者仕者乘而騎
者舍險即夷若履坦途罔不是濠咸以多子孫為克美頌
予故名之曰來胤橋云夫胤者錫類之實也來者期之也
蓋以識衆人之情而以克美之志期之也夫好善務施夫人
之心未始不同每不為君子所蓋者昧其所宜耳是故飯僧
惑巫甚而增美佛老之宮宇彼費於無用之地而崇不可
信之說於人何利焉矧編竹渡蟻古有獲報故作善隆之百
祥而人情之協福由之生也克美不惜重費數十年病涉之
區一旦易而為有夷之行而人之利之也不亦博乎者尚豐

無子孔子曰無憂後當有伍丈夫已而果然故其言曰子自
晚生觀克美為善之心本於承先志其不忤於物也必矣以人
情而驗之晚而有子顛不可扑乎克美姓黃氏綺其名也世
為仁化上寨里人于方倚廬而居請不能辭強書此以為之記

赤石橋記

歐紹說 桂陽鄉進士廣西
府知府

仁之屬有赤石運在縣北叁拾里餘去家氏之吾為不遠
南通道於粵北接途於楚並路之要衝者也其間通阻一溪
派峻雄峙而為岸源泉鼎沸而為流鱗不容縱白石潛迹
凡行抵茲乘者有惟蒙之漸侍者有揭厲之艱其憾橋之
建不早也亦屢矣一旦耆士家君桃溪諱德聰者契川上之趣
臨運水之干見人之病斯涉者紛如歸迺厲其子諱素者
而謂之曰吾不忍運水病涉者之衆也意者為之橋况曹
特奈何子素遂唯曰善哉斯舉其光裕之謀乎當即如命
卜曰屬匠也於是父子同心捐金貲命王匠經之營之鉅
石固基累墩為二架拱為一關道路於半嶺之巔構橋梁
於兩山之峽其崇惟尋其長如虹其闊如容園空納流以扶
欄甃以覆石款始工於嘉靖丙午之孟冬畢工於丁未之仲
春而橋之宏遠規模聿成焉夫是橋也謀張者殫其慮師
匠者悉其能蕩平可以走九懸堅可以馳重運施江若截

影倒野鷗驚黃童步走白叟杖趨來若獲實徒若出力往過來
續熟不惠我君哉益嘗之古鄭子產以來興濟人於漆洧鄭
國咸稱爲惠人大濟人以興濟之有限者也而鄭猶惠之通
乃君以橋濟其視車爲有加也則人之惠君者吾知必多於
鄭之惠產矣尚何惑乎雖然橋無定名而凡有益於濟人者
咸是也君之爲橋而溪趨此耶吾友朱子歛邑名善學也而
君則微之以訓其子閭閻貧之不必皆其所識也而君亦捐
貯以通共糴夫訓厥子而游邑庠則又以善爲橋而異子
之不溺於愚矣通其權以周隣里則又以粟爲橋而異貧
之不溺於饑矣厥行如此是故仁侯嚴慎養者蕭明莊政頻
咲不輕與人也亦嘗嘉君之所脩舉知飲通虛大賓之席
而迎之又爲之作桃溪序併詩以鳴其盛焉嗚呼頌橋之功
推橋之美則求君之善益者而嚴侯之取人益德矣是宜備
述之以爲不朽記云

嘉靖丁未仲夏望前庚申之吉撰

錦石巖詩

朱英 桂陽人兩廣都御
史

擊破崑崙玉宇開景含萬像小蓬萊
禿禪鍾向林梢沒出定僧從月下回
飛瀑捲簾珠錯落翠山和雨碧
雀兒何當了却書生債使學圃南
高卧來

周叔 湘廣九溪衛人本府
知府

漫逐桃花問水濱
錦霞放錦溪明
桃花流水壑嘉遠
錦石於人毛骨清
冷雨洒迴憂國淚
東風吹遍宦途情
地富雄處人多傑
會有群英學巨靈

鄧阜

桂陽鄉進士光州知州

小舟過鼓嶼江濱
直上高巖望眼明
草色蔽虧行逕窄
江風吹送鳥聲清
乾坤登眺無過此
今古傳聞却稱情
廟廟江湖俱在念
一盃聊爲謝山靈

唐昇

四川人本府知府

疊壁排空障巨瀾
飛流散沫雨珊珊
碧潭不徹龍湫黑
芭彩渾疑鳳穴丹
佛刹連雲生寶座
石門礙日冷蒲團
盤旋倒轉孤高處
露溼清袍兩腋寒

萬丈層崖挂薜蘿
攀緣自嘆此生多
桃源莫漫無人到
僧寺便宜好客過
成癖愛山能絕頂
憫時無策障顛波
夜深放放籠中鶴
又被閑愁引睡魔

余襄公直錄在前

屹崖絢爛倚門隈
萬主無香結作堆
不是蚪龍眠
跌樹原來假石壯根芽

徐九皋

廣東參議

僊臺縹緲枕江干
閣瓦曾城碧玉欄
絕訝清虛宜豹隱
竭木杖屨出雲帶
十巖過雨諸天曉
萬木含風伍月寒
塵世幾人

真夢覺紫芝白石空贊坑

王大用 莆田人廣東兵備

錦石巖下春欲歸錦石巖前春不遺
瑤草四時綠徑長珠簾
百丈自天飛風雨昨朝回命駕雲山今日駐
征驂却怪貪
奇鄭少谷長安羸馬獨依依

五色文章滿眼攢寒梅開落已闌珊
竹鷄雨濕鳴何急松鶴
風高樓未安水井有碑頌功德石床無夢到邯鄲
經年心事
干戈際悵望天崖路渺漫

松竹蕭森一徑深偶偕樸事小登臨
泉竅不斷潭疑雨猿
鳥相忘時出林坡老才高亦壁賦
高山調別紫芝吟行藏
安敢迷前筭吏隱誰兼得我心

趙璧 知府

三教玲瓏倚碧空洪濛開闢自天工
煉雲不假媧皇力刊
木誰勞禹後功靈點寒梅晴月白光分
錦石夕陽紅嶺南
巖尚多佳勝到處看來獨此雄

歐陽鐸 泰和人廣東提學

萬丈丹山半壁虛舟臨沉水一溝如境
當勝處偏藏佛祀不
知名謾檢書几肯經年交海地清風一
箭野人疏石梯晴日
健行色擬駕雲虬替竹輿

懸崖彷彿見巢居具眼誰當混沌初
蓬草翻風殊自得

瀛州隔水定何如老僧鳥路傳雲竇小吏猿攀護使車塵俗可
隣奇絕地暫時登望亦吾廬

平生懶性且立整到此風流却認真疎行長衫春日好山僧野
鷲日相親笑無玉帶堪留寺折得松花已滿巾谷口雨晴雲卷
卷低頭漸負百年身

羅僑吉水人廣東參政

劍峯難入轉奇峯錦石巖開萬壑風二氣同分初混沌兩儀
齊判古洪濛山靈到此精英合地澤原來氣脉通不信賢
才仁化少堂無人能曲江公

周延吉水人廣東布政

洞巖陰室謫清虛峭壁儂峯削不如雨過石紋開翠錦沙
悄鳥跡篆殘書生聽溪響和山籟細摘松花甯野蔬登覽
未窮歸去促畫將坐興入藍輿

細有天地音奇跡錦石憑空未失真絕壁每逢幽鳥怪定
僧初入白雲親十年碧翠隄流水幾度登臨試葛巾欲傍
尊爐逐石室却愁玉屑困殘身

符錫新喻人韶州知府

紫府梭梭峭壁開凌虛直上九層臺拈松曉沐靈歎雨飛
瀑霄滕絕澗雷雲服此中分伍嶺斗牛何處望三台踏歌
倚遍長欄外萬里青沉一鶴回

迢迢山寺問丹丘
 楚楚芳洲亂碧流
 徙步下方雲已合
 撐頭絕頂露初收
 風泉縹繞來鈞奏
 猿鳥依稀識故侯
 莫道參軍能擺俗
 吏情吾已付天遊

錦利聊文倦目開
 極知函渺勝蓬萊
 天花改向岩頭舞
 星漢翻從地底迴
 霧擁香爐增縹緲
 江涵石佛轉滌迴
 雲車鶴馭曾何事
 皂帽青袍只自來

倫以諒 南海人通政參議

水畫岩崖見丹霞
 碧漢問女媧
 五色石虞舜
 千年山地闕
 仙凡界天開
 夢覺關凌風
 醉明月賓主
 欲忘還

萬木森疊徑雙岩
 倚碧端翠草
 思辟葦雲錦
 織天孫地主
 遙迎客山僧
 已候門函
 栖如可卜
 吾欲謝煩喧

王漸達 南海人刑部主事

吾道蹉跎甚
 堪嗟學佛徒
 廿年方夢覺
 十月到清都
 世界看成壞
 綠心足有無
 夜懷憐不寐
 石上更跏趺

于祥 東鄉人本縣知縣

野舟連發小江濱
 勝覽重登物色明
 綠醕杯中分錦
 美白雲天外送山
 清前人落筆今猶
 烈騷客題詩古亦
 情嘉會想應名益
 重何人更說草堂
 靈

錦石臨溪迫太虛
 登臨慢說廣寒如
 一碑已見黃公立
 二字猶存趙子書
 岩外雲根千古木
 路傍竹筍四時蔬
 薇郎告

老亦來此父老遮番仔病興

錦岩風物却堪觀五色雲霞照翠巒更有紅塵飛不到座間

誰把手彈冠

嚴時中 上虞人本縣知縣

岩穴週遭錦繡叢六丁神斧自天土群山羅列兒孫立一水盤
旋佩帶紫樹匝藤蘿聯絕壁泉飛瀑布落晴峯登臨偶對閑
僧話獨立西風咲轉蓬

蔡鸞 晉江人本縣教諭

峭壁江干錦障開中間一罅小蓬萊水聲禽語非常調月
白風清逼上臺有此靈叢元特地未應仁邑不生才我來
來踏破煙霞去分付山川促運回

陳錠

偶爾相從到錦岩畫船蕭鼓下平灘詩題玉井追韓愈彼
步東山憶謝安泉瀑層崖晴亦雨風生虛洞暖猶寒醉來
踏遍仙家境還作蓬萊一採香

春早相邀訪碧山石梯萬丈共躋攀即官獨步丹崖上遲日
回光綠草間千里望窮親舍遠半生輪却老僧閑馬蹄踏
月歸來晚滿地金蓮送我還

錦石岩高接紫虛春閣相擬訪雲如溪流上下百川水文筆
空中萬古書石磴連雲高者步山川作雨已沾蔬登臨不覺

歸來晚月色風光共醉興

巖岫繞我倚碧天中間石室果誰鑄棟梁謝却景俯勝抒佃
無勞縮日鮮千里憑高身若寄半空飛瀑勢猶懸登臨意在
溪山裏有酒何須別聖賢

黃紳直黃人本學訓導

步上層崖紫翠叢何人曾此運天工自成文綺參千丈不受塵
埃半點紫風靜洗心聽萬籟天空橫月影諸峯岩廊得趣
話歸晚篙子移舟月浸蓬

謝珍連安人本學訓導

誰歎清涼境呀然石壁存功空疑帝女染就是天孫坐火崖
鷲墮窺深似欲吞更憐殊絕處飛瀑落晴軒

仁山絕勝地巖穴即蓬壺馬跡無周穆韶音遺帝虞猿攀
獻仙菓鸞轉憶笙琴千古如今日被軒明月孤

石洞通幽迥前岫卓太空危欄頗小倚飛瀑洗煩裏山癖
非康落岩居有遠公官程偶不促于此聽松風

野興雅難盡岳盟去復尋澄江沐新月空洞醉鳴琴清夢
撐簷窟高吟遠碧岑覺未天未曉林杪報煩襟

丁尚可吉水人庠生

白雲引我入岩來幾點桃花幾點梅生意欲言言不得奇
形款比比難雷琴鳴泉滴潛龍躍簫奏松呼野鳥歸高聳

吟有顛徙倚春風兩袖笑顏回

俞模 藤縣人 奉生

竊窺錦岩洞何年渾沌遺乾坤分氣象幻出此真奇

林大器 桂林舉人 本學教諭

步到層岩最上頭俯首塵世一虛舟道從太極圖中出人在
羲皇治理遊大吹鷄鳴占蚤春鳥啼花放識春秋天台採藥
渾閑事浪說人間有阮劉

畢遜卿 貴溪人 府學訓導

紫翠重重一洞虛乾坤別有彈丸如五丁鑿破雷靈跡
開來世世書過客崖陰成玉勒山翁石耳勝園蔬浮生半日
偷閑樂踏遍青鞋上竹輿

陳錠 長樂舉人 本學教諭

我愛此泉馨長流萬古清我今亦從宦期副此泉名

題書堂巖

朱英 桂陽人 都御史

平山忠義勵奸頑調理功名社稷間我向讀書岩下過高
風千古許誰攀

歐陽鐸 泰和人 提學副使

西閭文字有山峯深谷猶傳太古風可是地靈連濤倒偶逢
天日散溟濛清時即復桃源隔佳氣元從嶺海通後五百

年期未美讀書岩下憶裴公

訪臨江寺

余襄公

古寺遠塵籠衆閑訪此中客心十里靜僧語萬緣空門暗松
溪霧樓閣竹塢風吟餘懶復去山照夕陽紅

宿大雲寺

符錫知府

萬里雲封七里徑山花百種不知名未辭跋涉民勞止也富
觀風一度行

教授陳東綱

春舍錦洞杏花天陶令招遊竟脫烟百里集賢壇宿色一生
真賞勝腰纏乾坤形妙圖書秘文彩機先造化旋想像餐餘
心已醉俊美追樂不知還

俊美追樂不知還縱目奇觀任步旋點易道人乘鶴去碾硃
洞石委紅纏山花萬古呈鮮色松竹千年護曉烟奇與後
陶須共玩恐遺片石補南天

施可學

勝境留仙跡出岩隱梵宮盈階鋪錦綺四壁飾金缸斷削非
人巧裁成自化工蓬瀛諸福地彷彿可相同

壁立千峰裏高巖熟與京泉疑天上落雲似石中生竹挺千
竿秀花開萬朵傾醉閒孤舫過空聽白猿聲

夏汝礪 本縣知縣

錦石懸空峙依稀接紫宮晴雲團傾蓋曉日映金缸覽勝
憑豐壙題詩欲句工不妨頻眺望相約與君同

巖穴雲烟表幽深達玉京薜蘿穿迳長松竹倚欄生隱隱
猿卧潺潺滴溜傾不聞崆峒有獨聽步虛聲

張守一

遊錦巖

夏汝礪 本縣知縣

表與那堪迤照遠峻嶒岩窟可回旋肅清遺像分高下碑
兀奇峰幾抱纏大吠石扉迎接客僧烹茗起新烟迢
不覺登舟脫水蒲前川月蒲天

教諭施可學

錦石龍從迤接天青松圍蓋駐雲烟閣高萬仞如屏立周
繞千圍以帶纏石井有泉留客憇洞門無鎖任仙旋道
遙步入青由處惹得香風滿袖還

惹得香風滿袖還何妨載酒接盤旋荒苔點色侵羅綺翠
竹搖聲雜佩環鶴唳猿啼河俗慮鷄鳴犬吠絕人烟徘徊
如在神仙島若用尋思覓洞天

訓導張守一

錦山文彩燭水天岩石虛生五色烟洞折雲靈龍虎伏崖
懸樹倒懸蘿纏風出過雨添蒼翠草木逢春見幹旋同醉
象吟圖畫裡月明鼓世放歌還

月明鼓世放歌還重整肩輿皂蓋旋紫府勝遊錄夢覺清
都住會動星纏瓊花香異使人骨瑞鶴聲高破海烟每眺
渾如鰲竦麓僧敲鐘磬即鈞天

錦石昭雲漢巖溼真武宮天闢王愷悼地產卞和珪樂處
漚飲興來詩乃工登高銀海閣憶對紫宸同

巖洞真奇特溪山莫與京危欄僧獨立削壁樹叢生梵刹
重雲鎖蘆泉碎壑傾公餘仙舫過時喜有詩声

重登錦石和韻

錦岩風景闕來遊君子情無邊山水樂洵美畫圖開萬物
收懷抱双鞋破藓苔處高時下小言芒款吾哉

陳東綱

欽哉岩穴竇虛儼水晶宮文石輝紳緩禽音和珮江洞雲開
不住峰月盡難工牛野蒲亭會遙憐恨不同

石洞出堪慨遷官思莫京斷雲山與梅絕壁竹同生地僻花
憐艷峯危翠款傾更愁明月夜孤鴈兩三声

遊錦岩題

教諭明君安 浙江金華人

勝槩鍾來天下稀
丹山碧水彩雲霏
遊經古洞清寒骨
步向空門翠濕衣
麝過香音聞
鼓仰龍藏神應見
靈竒題崖歷歷多
仙子不更逢瀛景物輝

陳汝昌 臨川人本學訓導

四九洞天外何如此
洞幽山高先得曉
葉落始知秋
古木翔青鳥
橫江枕碧流
自漸居薄宦
未許習清遊

此室似少室
烏乎然
亦然風光入
薰好日影印沙圓
道舍皆前草
果分岩外猿
連山多少石
疑是白羊眠

錦岩天造亦竒哉
番待群英會
講臺山水清
真戀仁智經綸心
法起雲雷
屏風烏度
雀佳佳句明鏡人
遊展別才更喜老僧能
識我清茶且進兩三盃

又遊觀音山

倦岩竒且恠
突兀更巍我攀崖
尋禹穴
問水入巢窠
山深雲出沒
境異我來過
孝感莊王女
遺容發我歌

遊西山寺

四祖神遊山自在
竒觀何日快
吾行真靈不泯元
無相信息先知
豫有聲風鼓
禪機開曉霧
臺開明鏡轉
天情吾儒別有傳
心法白日清
天丹鳳鳴



